


# PUNTONAN DI ACCION

2021-2025



*“Nos no por pretende pa cosnan cambia, si  
semper nos mes ta actua na mesun manera”  
— Albert Einstein*



**ELECCION 2021 | ARUBA**  
**Union Patriotico Progresista**

(Version Pre-eleminar)

Website: [www.UPP.com](http://www.UPP.com)  
Facebook: [www.facebook.com/UPPARuba](http://www.facebook.com/UPPARuba)  
E-mail: [upp.unista@gmail.com](mailto:upp.unista@gmail.com)  
Youtube: UPP Union Patriotico Progresista

# UNION PATRIOTICO PROGRESISTA PUNTONAN DI ACCION!

## *INTRODUCCION / CRISIS DI RELACION CU HULANDA Y PERDIDA DI AUTONOMIA ARUBIANO*

Partido UPP pa eleccion 2021 ta presenta aki su “Puntonan di Accion” pa gobernacion 2021-2025.

Nos mester realisa nos mes cu desde e protocol di “Witte Donderdag Akkoord” na 2013 te na e protocol dia 22 di november 2018, nos gobiernonan a percura pa no cumpli cu palabracionnan haci.

Memey di e pandemia cu a presenta, gobierno Hulandes a haci maluzo di e oportunidad pa pone Aruba bou presion pa asina bin cu e.o. COHO, RAFT y e Landspakket.

Riba su mes e Landspakket ta contene ingredientenan cu nos por biba cu ne y cu tin hopi di nos obhetivonan como partido ta tambe ta bin dilanti den esaki, tin algun aspecto cu sigur nos tin obhecion riba dje, manera e flexibilisacion di tanto ley laboral como di e ley di LTU.

UPP ta kere cu ta tempo pa nos den un union nacional a base di dialogonan cu tur e actornan (stakeholdernan) di nos comunidad nos yega na un punto di bista y asina papia cu Hulanda riba riba nos problemanan y tambe nos intencionnan pa logra na remedia nos situacion. Asina ey nos por evita cu e permanencia di e control Hulandes lo ta mas minimo posibel y asina recupera nos autonomia cu a wordo entrega pida pa

pida. Banda di e Dialogo Nacional aki, UPP ta premira pa e prome temponan, un Gabinete di Crisis, cu mester atende varios di nos problemanan y cu Hulanda, pa asina yega na Bon Gobernacion, Finanza Publico balansa y prosperidad pa e pueblo di Aruba.

## *GOOD GOVERNANCE / FINANZAS PUBLICO*

- ✓ Elimina “Cultura di Miedo”, creando asina ciudadanonan mas critico, unda cu politiconan tin di responsabilisa nan mes.
- ✓ Hinca den Constitucion e obligacion banda di screening di un minister riba su antecedentenan, tambe un screening pa evita eventual “conflicto di interes” pa e carteranan pa cua e ta bay ta responsabel.
- ✓ Pone ministernan personalmente responsabel ora nan haci nan mes culpabel na persecucion politico.
- ✓ Transparencia tanto pasivo como activo na beneficio di nos pueblo.
- ✓ Ley di transparencia y informacion accesibel y confiabel (Ley di Informacion), garantizando e privacidad di nos ciudadanonan.
- ✓ Cambio den Ley di Comptabilidad pa frena desviacion di destaho publico.
- ✓ Determina e prioridadnan di e Landspakket y asina reduci e gastonan di gobierno y di personal na un forma responsabel.
- ✓ Garantisa cuido di calidad cu reforma di AZV.
- ✓ Mara den Constitucion deficit di pais Aruba na 3%, y bin cu sancion ora di incumplimento.



# UNION PATRIOTICO PROGRESISTA

## PUNTONAN DI ACCION!

- ✓ Mara quota di debe nacional na 40%-45% di Producto Bruto Nacional (GDP).
- ✓ Realisa un Kerntakenanalyse pa asina mira kico realmente ta e tarea di gobierno, mescos tambe un reorganizacion di e aparato di gobierno.
- ✓ Regula e aparato gubernamental door di maximalisa tanto e cantidad di departamento como e cantidad di empleadonan publico por medio di ley (landsverordening), incluso esnan na e oficianan di ministernan.
- ✓ Maneho pa recuperacion presupuestario y eliminacion di gastonan innecesario ("zero waste").
- ✓ Independisacion di Servicio di Impuesto manera Banco Central ta, pa e.o. elimina metemento politico, faboritismo y/o privilegiamento.
- ✓ Introduci "Ketenaansprakelijkheid" y control severo riba impuesto.
- ✓ Haci e sistema di impuesto mas simpel, mientras ta bay di impuesto directo pa indirecto, acompaña eventualmente cu un rebaho di impuesto riba ganashi y introduccion di un "vrije voet" pa e primanan social pa e trahado, pa compensa eventual perdida di poder di compra.
- ✓ Restitucion mester ser trata dentro di 6 luna di e año correspondiente.
- ✓ Proteccion di e asina yama "Klokkenluiders" pa medio di e Klokkenluidersverordening.
- ✓ Implementa e "Mededingingsverordening".
- ✓ Introduccion di ley macro di financiamiento di partidonan politico.

*Bon Gobernacion!*

### DEMOCRACIA BIBO

- ✓ Elimina deficit democratico den Reino basa riba Resolucion 1514 di Nacionnan Uni.
- ✓ Cambia Ley di Eleccion (Kiesverordening) respecto ken y con ta drenta Parlamento (a base di cantidad di voto, eliminando asina numeracion riba lista).
- ✓ Cambia sistema di "restzetel", unda cu e votonan cu a sobra despues di a parti asientonan completo, tambe ta bin na remarca pa e restzetelnan aki.
- ✓ Mehoracion di funcionamiento di Parlamento, e.o. dor di regula e poder di Presidente di Parlamento.
- ✓ Adapta "Reglement van Orde".
- ✓ Introduccion di Defensor di Pueblo (Ombudsman).
- ✓ Introduccion di Dialogo Nacional (incluyendo tur gremio, incluso partidonan cu of sin representacion den Parlamento) basa riba ley, unda cu prome cu tuma decisionnan importante ta obliga na haci estudio riba e temanan aki, pa yega na un decision bon balansa.
- ✓ Institui a traves di ley riba partidonan politico un organo bou di Consejo Electoral, cu ta vigila y sanciona partidonan cu no ta cumpli cu reglanan etico di campaña, tanto durante como despues di campaña.
- ✓ Hiba e democratisacion den distritonan a base di responsabilidad ministerial pa zonanan (distritonan) mara na un minister, instalando e asina yama "town hall meetings" pa e ciudadanonan.



# UNION PATRIOTICO PROGRESISTA PUNTONAN DI ACCION!

## *INTEGRACION / DESARROYO HUMANO*

- ✓ Stimula union y solidarismo bou di nos ciudadanonan, sea cua sea origen y cultura, pa medio di un integracion real, cu nos cultura, nos idioma Papiamento, nos norma- y balornan como forza catalisador, pero cu respet pa otro culturanan.
- ✓ Desaroya y re-activa e aspecto di “voluntarismo”, pa di e manera ey yuda contribui na e idea di Bon Ciudadania (“Good Citizenship”), dirigi riba yuda hende via di scolnan, Centronan di Bario, organisacionnan social, etc.
- ✓ Un maneho cultural basa riba promocion di nos cultura den tur sentido di palabra.
- ✓ Sosten real pa expresionnan cultural, creativo, artistico y intelectual di comunidad.
- ✓ Amplia e conocimiento di nos cultura, historia, custumber y idioma Papiamento, pa asina yega na e ARUBIANISACION di nos comunidad y crea e “pais cu curazon”, esta nos PATRIA ARUBA.
- ✓ Di acuerdo cu e derecho di autodeterminacion, percursa pa e pueblo tin e derecho pa desaroya su mes, riba tur tereno, esta economico, social, educativo, cultural y politico, conforme su propio criteriannan, unda cu pa UPP e.o. e HENDE ta central y ta e fortaleza di nos nacion; un Aruba unda tin respet mutuo y unda nos ta biba armonioso y solidario cu otro.
- ✓ Stimula un ciudadania critico.



## *EDUCACION*

- ✓ Educacion basa riba INCLUSION y no exclusion.
- ✓ Sostene e plan di scolnan multilingual presenta y dirigi pa expertonan.
- ✓ Rol di Papiamento lo wordo intensiva considerablemente.
- ✓ Curiculo ta wordo fiha riba meta- y necesidadnan cu ARUBA ta pone su dilanti. Mester rediseña nos enseñanza for di scol basico te na Universidad, y percursa pa un bon contenido y acoplacion entre e diferente sistemanan, cu participacion real y directo di e “veld” y cu lo ta algo di “meerjarenplan”.
- ✓ Mester rediseña klasnan, na unda tin acceso na internet, medianan digital y tecnologia moderno, manera tablets, digi-boards, etc.
- ✓ Percursa pa mas posibilidad pa estudonan “online”, tambe na nivel mas halto.
- ✓ Stimula atraves di programanan special lesamento den tur idioma via schoolnan y otro organisacionnan, manera Fundacion Lanta Papiamento, Fundacion Bon Nochi, Drumí Dushi, etc.
- ✓ Mester bin cu mas facilidadnan riba tereno di school pa haci e ambiente na school mas atractivo, manera biblioteca (digital), local pa computer, espacio educacional-cultural, cantina, auditorio, gym-zaal adecua y espacio pa maestronan traha optimal.



## UNION PATRIOTICO PROGRESISTA PUNTONAN DI ACCION!

- ✓ Gruponan di necesidad (dyslectico, autista, etc.) lo haya atencion special, mescos tambe ayudo efectivo pa e hobennan cu problemanan social.
  - ✓ Amplia e “leerwerktrajecten y posibilidad pa core stage na empresanan.
  - ✓ Lo revisa y trece cambio den e asina yama MEGA-schoolnan.
  - ✓ Mester bin cu un Instituto di Calidad cu lo mester ta parti di Universidad.
  - ✓ Pone docente central y percura pa nan haya recapacitacion.
  - ✓ E sistema di financiamento di estudio lo wordo revisa, na unda cu e.o. lo haci e interes paga riba fianza 100% deducibel di belasting, y lo crea posibilidadnan of incentivanan fiscal pa spaarmento pa estudio.
  - ✓ Lo stimula educacion extra-escolar (long life learning) y lo bin cu incentivanan fiscal pa doñonan di empresa cu ta duna e oportunidad ey na su empleadonan.
- 
- ### ***FAMIA / HUBENTUD / NOS GRANDINAN / DEPORTE***

---

  - ✓ Reconoce cu FAMIA ta e base pa creacion, progreso y consolidacion di nos patria y ta e forza catalisador pa trece solucionnan pa hopi problema den nos sociedad.
  - ✓ Stimula pa famia na nivel micro atende cu e yiunan, na unda cu na cas mester tin e calor pa nos por papia di un “HOGAR”.

- ✓ Conscientisa pueblo cu mescos cu na nivel micro, esta esun di famia, na nivel macro, na luga di papia di pais, nos lo papia di nos PATRIA.
  - ✓ Rol di Gobierno ta pa fomenta famianan sano, garantizando e condicionnan necesario pa por logra na crea e HOGAR y e PATRIA. Particularmente den nos hubentud, cu ta e pilar di e futuro di nos pais, mester wordo inverti hopi.
  - ✓ Duna sosten na mayornan soltero.
  - ✓ Bin cu programanan di capacitacion na EPI den e ramo di "Jongerenwerk", pa di e manera ey esnan cu nivel MBO lo por guia nos otro hobennan despues di ora di school na Centronan di Bario den un programa total y subsidia dor di gobierno.
  - ✓ Duna incentivanan fiscal na doñonan di trabou cu ta duna nos grandinan e oportunidad di un "her-en/of bijscholing" pa nan por sigui contribui na e desaroyo di nos pais.
  - ✓ Crea incentivanan pa hoben adulto drenta mercado laboral.
  - ✓ Garantisa bienestar fisico y mental di nos hobennan.
  - ✓ Introduccion di incentivanan fiscal pa doñonan di cas cu ta haci adaptacion na nan cas pa nan por keda biba den nan mes cas, enbes di bay biba na un cas di anciano, ora cu un persona no ta desea di bay un cas di anciano.
  - ✓ Bin cu reglanan y controlnan pa casnan di anciano, pa di e manera ey por garantisa cu esnan cu ta duna e cuido, ta haci esaki na un manera responsabel.
  - ✓ Gobierno mester construi mas facilidad pa nos grandinan pa asina ey nan por hiba un bida digno den e casnan aki.
  - ✓ Bin cu prijs preferencial pa compra di cuminda pa nos grandinan.
  - ✓ Elimina TUR clase di discriminacion cu ta existi pa motibo di edad di un ser humano.
  - ✓ Centralisa maneho di problemanan social y bin cu mas trahadonan social den bario.



## UNION PATRIOTICO PROGRESISTA PUNTONAN DI ACCION!

- ✓ Como parti di un comunidad sano, atencion ta wordo duna na desaroyo deportivo di nos comunidad, pa asina ey contribui na consolidacion di nos patria.
- ✓ Deporte escolar ta haya atencion atrobe, mientras cu Centronan di Bario lo wordo stimula y apoya den tur sentido dor di gobierno, pa crea e espacio y facilidadnan pa haci deporte, bou guianan deportivo prepara y capacita na EPI nivel di MBO.
- ✓ Profesionalisa deporte, e deportista y mescos tambe e dirigentenan (incentivonan fiscal).
- ✓ Bin cu un compleho deportivo profesional na San Nicolas, dirigi pa crea deportistanan di nivel halto y cu por participa como profesional den mundo internacional di deporte profesional.
- ✓ Renovacion di Raceway Park Palo Marga, pa e bira un hoyo di un facilidad di competencia den Caribe y asina percura tambe pa promove nos isla internacionalmente.
- ✓ Activa deporte escolar, por medio di IBISA.
- ✓ Sosten tecnico y di material na Centronan di Bario y clubnan deportivo.
- ✓ Formalisa importancia di deporte cu un Ley di Deporte.

### LABOR

- ✓ Pone un paro na tur permiso te ora cu via Centraal Bureau voor de Statistiek (CBS) tin un bista real di e situacion riba mercado laboral.
- ✓ Control severo riba ilegalidad den sector laboral.
- ✓ Re-introduccion di e modelo Suiso, rehabilitando esaki den nos Ley di LTU.
- ✓ Modernisa of actualisa nos leynan laboral conforme e exigencianan di ILO (International Labor Organization), pa loke ta concerni



- prevencion di accidente laboral, pa medio di inspeccion y controlnan mas severo.
- ✓ Obliga e dunado di trabao pa duna su empleadonan ekipo di proteccion, pa asina evita accidentenan. Den caso di incumplimento ta pone sancionnan.
- ✓ Trabao na unda seguridad y salud ta hunga un rol, tanto di trahadonan como tercera, companianan mester ta certifica pa e tipo di trabou cu nan tin di eherce, mientras e trahado tambe mester haya un upgrade pa por haci e trabou aki.
- ✓ Bin cu un ley ocupacional, unda ta wordo promovi pa traha na un forma preventivo, riba e area di salud, bienestar y seguridad.
- ✓ Control severo riba "afdrachten" di e primanan di AZV, AOV-AWW dor di doñonan di trabou y alabes controla si ta cumpli cu e pensioen general den sector priva.
- ✓ Duna incentivonan fiscal na doñonan di trabou cu ta duna empleadonan oportunidad pa upgrade nan mes, y cu ta tene personanan di edad avanza den servicio,
- ✓ Adaptacion di salarionan minimo conforme e diferente categorianan di funcion.
- ✓ Re-introduccion di exigencianan pa permiso, esta riba antecedente tanto riba estado di salud (cronico y contagioso) como hudicial.
- ✓ Promove aceptacion y participacion di trahadonan cu handicap fisico y/of mental den e proceso laboral.
- ✓ Permitti un trahado sera un seguro, por medio di SVB y di acuerdo cu e tratado internacional di International Labor Organisation, na bienestar di su mes y su famia, na momento cu pa un motibo of otro e perde trabou, pa e no tin nodi depende riba bijstand.
- ✓ Evita flexibilisacion di nos leynan laboral, bisando no na "hire and fire".
- ✓ Evita e flexibilisacion di e mercado laboral dor di bisa no na e cambionan proponi pa flexibilisa nos LTU, pero a cambio re-introduci e sistema di Modelo Suizo.

# UNION PATRIOTICO PROGRESISTA PUNTONAN DI ACCION!

## *DESAROYO ECONOMICO*

- ✓ Diversifica nos economia dor di busca industrianan high-tec, y otro tipo di industrianan cu ta capital intensivo.
- ✓ Stimula incentivonan pa un refineria “state of the art” cu tur su transparencia.
- ✓ Stimula, pa medio di incentivonan, tur nos young professionals y entrepreneurs cu ta dispuesto pa bin cu iniciativanan nobo cu por hiba nos na crea un pilar economico nobo cu ta hopi necesario.
- ✓ Stimula e-commerce door di drecha nos sistema di internet pa e ta mas rapido y mas accesibel.
- ✓ Promove industria local, restringiendo e competencia in husto por medio di e asina yama “stromanschap”.
- ✓ Duna respaldo concreto na negoshinan local, tanto chikito como mediano, unda cu AIB mester hunga un rol prominente den esaki.
- ✓ Haci miho uzo di di e areglo di LGO (Landen en Gebieden Overzee) di Union Europeo, cu e bienestar di pueblo Arubano como punto di salida.
- ✓ Stimula iniciativa priva cu ta contribui na un crecimiento economico, social y spiritual di nos pueblo, teniendo cuenta cu nos Mama Tera (e asina yama concepto People, Planet, Profit).
- ✓ Practica e aspecto di “level playing field” den e proceso di stimula establecimiento empresanan.
- ✓ Hiba controlnan severo riba prijsnan di productonan di prome necesidad y amplia e canasta basico.
- ✓ Amplia canasta basico.
- ✓ Na momento di cambionan di prijsnan di productonan di e canasta basico, esaki ta bay na vigor despues di a publica esaki den



medionan di comunicacion y indicando tambe tanto e prijs bieu como esun nobo.

- ✓ Restablece na un forma responsabel importacion for di region.
- ✓ Sigui sondea e posibilidad di gas y/of petroleo den subsuelanan di Aruba, y garantiza cu esaki ta patrimonio di pueblo, pa cual motibo ningun multi-nacional por bira doño di dje.
- ✓ Introduci economia circular (blue economy).

## *DESAROYO PARIBA DI BRUG – UN ATENCION SPECIAL*

- ✓ Stimula incentivonan pa un refineria “state of the art” cu tur su transparencia.
- ✓ Desaroya e waf den uno industrial/comercial.
- ✓ Sondea e posibilidad pa un dry-dock.
- ✓ Converti parti di e tereno di refineria den un zona free-zone y uno industrial, dirigi riba industria limpi y high-tech.
- ✓ Duna incentivonan special pa establecimiento di negoshinan chikito Pariba di Brug.
- ✓ Re-animacion di San Nicolas dor di trece varios departamento San Nicolas, y alabes saca prostitucion, e asina yama “animeermeisjes”, for di cayanan di San Nicolas of zonifica unda nan ta eherce nan trabou awor.
- ✓ Percura pa incentivonan pa stimula establecimiento di negoshinan chikito.
- ✓ Bin cu un “vocatioal school” pa San Nicolas unda cu por prepara nos hobennan cu no a haya oportunidad y demas trahadonan cu kier cambia di trabou of busca oportunidadnan nobo, haya un preparacion (avanza) tecnico.

## UNION PATRIOTICO PROGRESISTA PUNTONAN DI ACCION!

- ✓ Renovacion di Raceway Park Palo Marga, pa e bira un hoyo di un facilidad di competencia den Caribe y asina percura tambe pa promove nos isla internacionalmente.
- ✓ Comberti Carnival Village den un centro pa famia, cultura y deporte.

### TURISMO

- ✓ Introduci moratorio pa construccion di mas hotelnan.
- ✓ Enves di un expansion di nos acomodacion turistico cu lo percura pa un "overtourism" na Aruba, traha riba diversificacion di e producto turistico cu Aruba ta ofrece, e.ol. di crea otro sitionan di atraccion pa nos bishitantenan.
- ✓ Aumenta e cantidad di turistanan "transitorio" ("transient") cu ta bishita Aruba, pa medio di campañanan menos costoso pero efectivo.
- ✓ Percura pa Aruba hisa su calidad ambiental, y haci Aruba berdaderamente "Green & Clean".
- ✓ Drecha of elimina edificionan bieuh y bandona den area turistico y unda turistanan ta pasa.
- ✓ Exigi hotelnan pa percura pa suficiente lugar di para auto, pa evita e chaos cu tin actualmente den nos zona hotelero.
- ✓ Aumenta e coneccionnan aereo.
- ✓ Mehoracion di nos producto turistico dor di comberti hotelnan existente den hotelnan tipo boutique/lifestyle chikito.
- ✓ Desaroya entre Bushiri, Playa y Rodgers Beach un puerto estilo St.Tropez.
- ✓ Upgrade TUR hotel, cu tecnologia moderno di hotel.



- ✓ Desaroya Plaza Daniel Leo den un plaza crioyo manera conoci na Sur di Spaña, mescos tambe Carnival Village na San Nicolas y Baby Beach na Sero Colorado.
- ✓ Sigui organisa eventonan anual pa asina Aruba keda den "picture", mientras lo busca mas eventonan pa trece Aruba, riba tur tereno (Artistico, Cultural, Musical, Deportivo y Moda).
- ✓ Pa loke ta marketing, mester haci mas uzo di "world-wide marketing" y "social-media-promotion", y alabes di online booking cu "custom-made packages".
- ✓ Una bes cu re-activa e one-stop-shop-facility na Imsan, esaki lo ofrece na e turista e uzo di e facilidad super moderno aki, tanto riba tereno cardio-vascular como oncologia, mientras alabes ta concretisa e facilidad di dialyse (mercado di 30 miyon hende).

*Aruba Ta Nos Tur!*

### SALUBRIDAD PUBLICO

- ✓ Garantisa cuidu di calida cu reforma di AZV.
- ✓ Re-activa e programa di prevencion di gobernacion anterior pa loke ta trata e problema di sobrepeso, hunto cu loke ultimo 4 año a ser haci.
- ✓ Re-activa e one-stop-shop-facility (IMSAN) riba tereno cardio-vascular, y incorpora e idea di un centro di oncologia den henter



## UNION PATRIOTICO PROGRESISTA PUNTONAN DI ACCION!

e facilidad aki, cu nos propio hendenan y, unda cu mester, busca ayudo temporal for di exterior.

- ✓ Introduci "Telemedicine" na Aruba.
- ✓ E maneho riba tereno di salubridad publico lo wordo traha, y na unda ta necesario, adapta por medio di investigacion y monitoreo atraves di cifranan di e estado di salud di nos pueblo.
- ✓ Reforza y integra cuidu basico na nivel di barío.
- ✓ Prioridad pa prevencion y cuidu mental y di nos grandinan.
- ✓ Duna ayudo necesario na victimanan di adiccion, entre nan adiccion ambulante.
- ✓ Duna cuidu di emergencia riba tur nivel. Mester haci nos isla un "heart save community".
- ✓ Vigila y haci un investigacion profundo di e proyecto di renobacion/expansion di dr. Horacio Oduber Hospital, cu pronto lo inicia, di acerca, pa evita cu tin "meerwerk" cu lo por conduci cu pueblo lo haya hopi bloki, pero poco cuidu y equipo.
- ✓ Introduccion di un ley riba autopsia cu ta regla cu por laga haci autopsia riba tur persona cu fayece, cu excepcion si famia no ta desea esaki. Esaki lo percursa cu dokternan lo bay coopera miho cu otro na bienestar di e patient dor di "overleg" cu otro dokternan.



violadornan, pedofielnan y/of secuestradornan. Pa esakinan e "verjaring" no ta conta.

- ✓ Introduccion di vigilancia por medio di camara na lugarnan di riesgo, al igual uzo di drones.
- ✓ Pa proteccion di nos fronteranan lo pone postnan di vigilancia na sitionan strategico (cu esfuerzo combina di Cuerpo Policial, Aduana, Warda Nos Costa, Gaurda Costa y si ta necesario Korps Mariniers).
- ✓ Mehora e comunicacion den e cadena di husticia, pa asina ey aumenta e confianza den e cuerpo policial.
- ✓ Duna atencion special na hobennan cu a cai den man di husticia, cu programanan special di re-socialisacion y re-habilitacion.
- ✓ Duna atencion special na e gruponan di riesgo y introduci programanan di prevencion.
- ✓ Introduci e asina yama "enkelband" pa baha e stress di e trahadonan di KIA y tambe e gastonan na KIA, pa cierto delitonan leve y buena conducta.
- ✓ Pone mas atencion pa e companianan di seguridad y nan trahadornan, kendenan lo ta un "verlengstuk" den e aspecto di seguridad di nos caya- y propiedadnan.



### HUSTICIA Y SEGURIDAD

- ✓ Inverti den capacitacion, ekiponan y asistencia tecnico di deteccin, pa combati atraco y haci e "pakkans" mas grandi.
- ✓ Bin cu castigonan mas pisa y kita e derecho di "Voorwaardelijke invrijheidstelling" (V.I.) for di recidivistanan, atracadornan,

### TRANSPORTE PUBLICO

- ✓ Re-alocacion di fondonan publico pa di e manera ey crea espacio pa tur hende cu ta inscribi den censo, entre cual e trahado local, nos studiantenan y nos grandinan, haya un posibilidad pa transporte publico gratis.



## UNION PATRIOTICO PROGRESISTA PUNTONAN DI ACCION!

- ✓ Profesionalisa Arubus y crea extra ruta- y orarionan den bario.
- ✓ Construcion di varios facilidad di parkeo den diferente distritonan, e.o. na aeropuerto pa e empleadonan di AAA, cu control di security y camara pa mas hende por haci uzo di bus pa bay nan trabou.
- ✓ Duna un servicio di 24/7 na trahadonan cu ta traha te den oranan di marduga, pa medio di y alabes contribui na un trafico mas sigur den e oranan ey door di haci posibel cu hendenan bou di influencia ta haci uzo di e servicio aki.

### *MEDIO AMBIENTE / MANEHO DI DESPERDICIO*

- ✓ Introduccion di leyman penal ora haci daño na medio ambiente, esaki en bista di tanto salubridad publico como di nos producto turistico.
- ✓ Ley di zonificacion cu proteccion special y cu control pa cierto areanan, por ehempel Hudishibana, Boca Prins y alabes Spaans Lagoen.
- ✓ Hiba un maneho responsabel di energia alternativa, unda cu ta trata di proyectonan realistico, tanto financieramente como tecnicamente; esaki cu e meta pa reduci e emision di carbon den nos atmosfera y alabes haci nos menos dependiente di productonan fosil, pero unda mester garantisa e suministro di energia sin peliger pa nos red existente.
- ✓ Conscientisa pueblo riba e importancia di un bon medio ambiente, unda cu lo promove tambe uzo di producto- y aparatonan cu ta bon pa medio ambiente y cu ta contribui na baha gasto.



- ✓ Contribucion den reduccion di emision di carbon den atmosfera, pa medio di introduccion di transporte publico gratis, combina cu garashi di parkeo cu zonnepanelen, cu ta evita cu tin menos auto riba caya pa bay trabou.
- ✓ Plan Integral pa menho di desperdicio.
- ✓ Solucion definitivo di Parkietenbos pa medio di “synergia di tecnologia” presente na Aruba.
- ✓ Renova RWZI (Planta di purificacion di awa).
- ✓ Introduci economia circular (blue economy).

### *STRUCTURA ESTATAL*

- ✓ Defende y engrandece Aruba su autonomia, manera logra bou guia di sr. Betico Croes d.f.m. na e Conferencia di Mesa Rondo na 1983, como un logro importante y determinante den emancipacion politico y estatal di nos pueblo, di acuerdo cu nos derecho di autodeterminacion segun Nacionnan Uni.
- ✓ Consulta por medio di e instrumento di un Dialogo Nacional y cu pueblo directamente por medio di un referendum na momento cu mester trata e asuntonan estatal prome cu cualkier cambio.
- ✓ Mostra Hulanda cu, ora ta trata di nos estructura estatal y tambe nos derecho di autodeterminacion, ta na e pueblo di Aruba pa encamina cualkier eventual proceso estatal, y esaki basa riba respet mutuo cu mester tin den Reino; ningun sorto di cambio cu e pueblo no ta desea, no por wordo imponi riba Aruba.
- ✓ Na caminda pa e 70 aña di existencia di e Statuut di Reino, cu a wordo traha den un epoca post-colonial, propone pa revisa e statuut aki, cu ta un documento politico y bin cu un documento nobo y huridico basa riba pensamentonan moderno, unda cu su



## UNION PATRIOTICO PROGRESISTA PUNTONAN DI ACCION!

interpretacion ta den man di un “Constitutionele Kamer” di Hoge Raad, garantizando asina nos autonomia y nos derecho di autodeterminacion.

### *RELACION DEN REINO Y CU EXTERIOR*

- ✓ Fomenta un relacion den Reino basa riba respet mutuo y di madures, na unda e punto di salida ta cu Aruba no ta wordo sirbi cu haya regalonan (e pisca), pero Aruba ta haya e oportunidad pa siña pisca. Hulanda mester cumpli cu loke ela acorda cu e foro internacional, esta di lo percura pa emancipacion y desaroyo di Aruba, riba tur tereno, tanto politico, como economico, cultural, social y educacional.
- ✓ Percura pa Aruba haya mas representacion na embahadanan, pa nos mes atende nos asuntonan na bienestar di nos pueblo, cu lo crea desaroyonan economico nobo pa Aruba.
- ✓ Intensiva su cooperacionnan den regio.
- ✓ Fortifica y profundisa e relacion cu Merca, cu ta partner comercial mas grandi cu Aruba ta depende di dje.
- ✓ Aruba ta miembro asocia di Union Europeo (EU), ta p’ese y haci miho uzo di e areglo di LGO, cu pronto lo conoce un contenido nobo, ya cu Aruba ta miembro asocia. Aruba mester haci uzo di loke e LGO aki ta ofrece, pa di e manera ey crea y amplia oportunidadnan economico nobo, e.o. pa exportacion.

## Union Patriotico Progresista

[www.UPPAruba.com](http://www.UPPAruba.com)  
[www.facebook.com/UPPAruba](https://www.facebook.com/UPPAruba)  
[upp.unista@gmail.com](mailto:upp.unista@gmail.com)

